

Na osnovu čl. 6. i 8. Zakona o komunalnim djelatnostima ("Službene novine Kantona Sarajevo", br. 14/16, 43/16, 10/17, 19/17, 20/18 i 22/19), čl. 8 i 13. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/19) i čl. 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Općine Centar Sarajevo je na 19. redovnoj sjednici održanoj dana 02.07.2026.godine donijelo je

O D L U K U

O IZMJENAMA I DOPUNAMA ODLUKE O SJEČI, DEKAPTACIJI I POTKRESIVANJU STABALA

Član 1.

U Odluci o sječi, dekaptaciji i potkresivanju stabala («Službene novine Kantona Sarajevo», br. 17/22 i 19/26), član 3., stav 2., alineja 2. mijenja se i glasi:

„ jedan predstavnik KJKP "Park".».

Član 2.

Član 8. Odluke dopunjava se, te glasi:

„ Troškove sječe, dekaptacije ili potkresivanja stabla snosi vlasnik ili korisnik zemljišta na kojem se stablo nalazi, investitor novog objekta, upravitelj zgrade, odnosno komunalno preduzeće u čijoj je nadležnosti održavanje stabla, te zainteresovano lice.».

Član 3.

Iza stava 1. člana 9. Odluke, dodaje se novi stav 2., dosadašnji stav 2. postaje stav 3. i mijenja se , te se iza izmijenjenog stava 3., dodaje novi stav 4. člana 9. Odluke, te glasi:

2. „U slučaju da je vlasnik ili korisnik zemljišta na čijem posjedu se nalazi stablo nepoznat ili nije moguće utvrditi njegov identitet ili nije okončan ostavinski postupak iza umrlog lica koji je bio vlasnik ili korisnik zemljišta, a općinska komisija konstatuje da je sječa, dekaptacija ili potkresivanje stabla neophodna, općinski organ uprave nadležan za komunalne poslove može rješenjem naložiti zainteresovanom licu da o vlastitom trošku izvrši sječu, dekaptaciju ili potkresivanje stabla ukoliko su ispunjeni uslovi iz člana 4. ove Odluke».

3. „Ukoliko vlasnik ili korisnik zemljišta, kao i zainteresovano lice ne postupi po rješenju iz stava 1. i 2. ovog člana, sječu, dekaptaciju ili potkresivanje stabla izvršit će o trošku izvršenika općinski organ uprave nadležan za komunalne poslove putem nadležnog komunalnog preduzeća.».

4. „Zainteresovano lice iz člana 9. Stav 2. ove Odluke dužan je kod nadležnog organa na zapisnik ili pismenim putem izjaviti da pristaje snositi troškove sječe, dekaptacije ili potkresivanje stabla.“.

Član 4.

Član 10. stav 3., mijenja se i dopunjava, te glasi:

„Svi koji dobiju odobrenje za sječu stabla, dužni su da putem ovlaštenog preduzeća zasade dvije nove sadnice iste vrste, o čemu će pravovremeno dostaviti dokaz u spis.“.

Član 5.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj: 01-19-4111/26

Datum, 02.07.2026.godine

PREDSJEDAVAJUĆI

OPĆINSKOG VIJEĆA CENTAR
SARAJEVO

Benjamin Isović



Ova odluka je objavljena na oglasnoj
ploči Općine Centar dana **06-07-2026**